



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### მარშანცია (Marchantia)



მარშანცია  
*Marchantia polymorpha*

მარშანცია (*Marchantia*), მცენარეთა გვარი ღვიძლის ხავსების კლასიდან. აქვს მინაბე გართხმული მწვანე სხეული (თალუსი), რ-ის სიგრძე 10 სმ, სიგანე – 1-2 სმ აღწევს. ნიადაგს რიზოიდებით ემაგრება. ანთერიდიუმი და არქეგონიუმი სხვადასხვა მცენარეზე ვითარდება. მრავლდება სპორებით. ახასიათებს თაობათა მორიგეობა. ვეგეტატიურად მრავლდება ჩეკია კვირტებით.

საქართველოში მ-ს ორი სახეობა გვხვდება. ფართოდაა გავრცელებული *M. polymorpha*. მეორე სახეობა – *M. paleacea* – მხოლოდ დას. საქართველოში გვხვდება.

**ნ. ჩიქოვანი**

---